



Aqqaluaq Egede, Inuit Ataqatigiit
Inatsisartut
/MAANI

Inatsisartut suleriaasissaanni § 37-mi imm. 1 naapertorlugu aalisarnej pillugu Naalakkersuisunut apeqquteqaateqarputit. Apeqqutit uannut akineqartussanngortinneqarsimapput.

20-06-2016
Suliap normua 2016-9713
Allakkat nr. 3023118

Apeqqut:

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apnn@nanoq.gl
www.naalakkersuisut.gl

1. Aalisarnermut Piniarnermullu Naalakkersuisoq isumaqataava Naalakkersuisut 2016-imut Aningaasaqarnikkut Ingerlatsineq pillugu Nalunaarusiaanni allassimasut malillugit sinerissap qanittuani aalisartut ikilisarnejarnissaat siunniunneqassasoq?

Akissut: Naalakkersuisut politikkerat, aalisarfissatut periarfissaasunut sannilliullugit sinerissamut qanittumi aalisartut aalisarsinnaanermullu akuersisutit qanoq amerlatiginerat ingerlaavartumik nalilersorneqartassasut, piffisamilu maannakkorpiaq anguniarneqanngilaq, sinerissamut qanittumi aalisartut amerlassusiat ikilisinneqassasoq. Sinerissamut qanittumi aalisarnikut isertinneqartartut amerlisiinneqarnissaat Naalakkersuisunit anguniagaavoq, tamannalu imatut pissaaq, aalisarnej annertunerusumik akuleriisitsilluni aalisarnermut ikaarsaartinneqassasoq aammalu annertussutit aalisarnejartut pitsaanerusemik iluaqutigineqassasut.

2. Aalisarnerup inuussutissarsiutiginerani maannakkut kalaallinik naammattunik naalagaarassaqaannginneq pissutigalugu (naalakkat, aquttut kiisalu maskiinalerisut) aalisarnermi avataaniit sulisussarsiortoqartoq, imaasinnaasorlu naalakkat avataaneersut ilaatigut avataasiortuni sulilernermikkut nuna najugartik takusarsinnaaniassagamikku atorfininniartarsinnaanerat tunngavilersuutaasoq ikkappallaanngila?

Akissut: Naalakkersuisut naliliineraat, Kalaallit aalisariutaanni inuttalersuarnej pillugu Namminersorlutik Oqartussat nalunaarutaannit nr. 13, 17. november 2011-meersumi malittarisassat atuuttut naapertorlugit qularnaarneqartartoq, Kalaallit Nunaanni aalajangersimasumik najugaqartunik aqumiunik atorfinitsitsisoqartarnera, aammalu Naalakkersuisunit piffissami maannakkorpiaq pilersaarutigineqanngitsoq malittarisassat allanngortinneqarnissaat. Kalaallit aalisariutaanni aqumiut 60%-iisa Kalaallit Nunaanni najugaqavissutut nalunaarsorsimanissaanik piumasaqaatip allanngortittariaqarsinnaanera Naalakkersuisut ingerlaavartumik nalilersuiffigisarpaat. Aqumiunik piginnaaneqarlualutillu ilinniarsimasunillu naammattunik sulisussaqaarsinnaanissaq aalajangerniarnermi apeqqutaasarpoq. Aqumiunik piginnaaneqarlualutillu ilinniarsimasunik naammattunik sulisussaqaartillugu kalaallit aalisariutaanni aqumiut nunaqavissut nammineerlutik amerleriassapput.

3. Tassa massakkut nunatsinni nunaqavissutut nalunaarsorneqarsimasunik aqumioqartalernissaq naalakkersuisut neriorsuutigisinnaavaat?

Akissut Apeqqut 2-mit akissutaasumut innersuussisoqassaaq.

4. TAC eqqarsaatigalugu sinerissap qanittuani avataasiortunilu pisassat ag-guarneqartut pillugit 50/50-ip atuutsinneqalernissaa naalakkersuisut suk-kanerpaamik imaluunniit qaqugu atuuttussanngortinniirpaat?

Akissut: Naalakkersuisut aalajangiiffigisassatut siunnersuut periarfissanit maannakkut misissuinerusooq ilanngunniirpaat - aningaasaqarnikkut ki-ngunerisassat – tassalu Aalisarneq pillugu Inatsisartut inatsisaanni nr. 18, 31. oktober 1996-imeer-sumi § 14-imit atuinissaq.

5. Kilisaatini inuttat aqumiullu akissarsiaat illersorniarlugit inatsisiliornikkut aalajangersagaliorluni sunneruminaallisaanissaq, taamaallilluni akitsuusi-nikkut allatigullu akinik qaffaasarnikkut aqumiut kilisaatinilu inuttat aningaa-sarsiornermikkut eqqornerlunneqarsinnaajunnaarnissaat naalakkersuisut sulissutigivaat?

Akissut: Naalakkersuisut politikkeraat, kalaallit aalisariutaanni aningaasar-siatigut aamma sulinermi atugassarititaasut sulisitsinermi oqartussanit aalajangersarneqartassasut.

6. Sooq naalakkersuinikkut ilisimaneqanngila kalaallit umiarsuarni officeritut atorfinissinnaasut ilinniarnikut qasserpiaannersut, naak tunngavilersuotigi-neqartoq kalaallit ilinniarsimasut amigarmata atorfinitsinneqarsinnaasut nunatta avataaneersuunerusut?

Akissut: Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfimmi ukiut tamaasa imarsiornermut aqumiut assigiinngitsut qassit soraarummeertarnersut nalunaarsor-neqartarput.

Kisianni soraarummeersimasut qassit Kalaallit Nunaanni najugaqarnersut ilisimaneqanngilaq, taamaattumillu sulisinnaanersut imaluunniit suliffinnut allanut nuussimanersut ilisimaneqarani. (Takuuk ilanngussaq A).

Kalaallit Nunaannut suliffissarsiorlutik killilersimaarnissaa pillugu Inatsisartut inatsisaat nr. 27. 30. Oktober 1992-meersoq § 2, imm. 4, innersuussuti-galugu, atorfinni imarsiornerup tungaatigut annertunerusumik ilinniagaqaqqaarluni atorfinissinnaaneq akuerineqartussaavoq kommunalbestyrelsimit illoqarfimmi pineqartumi taamaattoqartinnagu avataaneersunik atorfinitsitsisoqarsinnaanngilaq. Taassuma saniatigut Kalaallit aalisariutaani inuttalersuisarneq pillugu Namminersorlutik oqartussat nalunaarutaat nr. 13, 17.november 2011-meersumi piumasaqaatit angallatinut 24 meterimit anginerusunut Kalaallit Nunaanni nalunaasoqqaasut atuupput.

7. Naalakkersuisut ima allapput: "kilisaatini akissarsiaasartut nunatsinni qaf-fasinnerpaat ilagaat. Kalaallit Nunaannilu akileraaruteqartaraluartoq amer-lasuutigut akissarsiat nunanut allanut nassiunneqartarput. Taamatut Ka-laallit Nunaat atuinernikkut isertitassaraluaminik kiisalu toqqaananngitsu-mik sunniutaasigut suliffissaqartitsiniarnikkullu annaasaqartartoq".

Tamanna agguaqatigiissillugu ukiumut aningaasanik qanoq annertutigisunik annaasaqarfiusarpa?

Akissut: Taamatut aningaasat ingerlaartarnerinut uppernarsaatissaqanngilaq.

8. Aningaasat aniasut naatsorsorneqartarsimanngippata kiap tamanna akissusaaffigaa?

Akissut: Apeqqut 7-imit akissutigineqartumut innersuussisoqassaaq.

9. Naalackersuisut nangittumik anguniarpaat aalisarnermi pisassat niuerutigineqarsinnaasut aammalu niuerutigineqarsinnaanngitsut siunissami piginnittunut ikittunuinnaq katersuukkiartornerat ingerlaannassasoq?

Akissut: Kalaallit Nunaanni piginnittut ikittuararsuarnut aalisarsinnaanikkut piginnaatitaaffiit katersortinneqarnissaat Naalackersuisunit anguniagaanngilaq. Naalackersuisut kissaatigaat aalisarnermi piginnittuunerup siama-sissuunissaa, peqatigitillugulu pingaaruteqarpoq erseqqissaatigissallugu, aalisarnerit assigiinngitsut imminnut akilersinnaasuunissaat, taamaattumik killeqarpoq aalisarnermi ataasiakkaani akuusut qassiunissaannut inissaqassanersoq.

10. Taamaassimanngippat qanoq ililluni pisassaq piginnittunut amerlanerpaanut siammarniarsaraat?

Akissut: Apeqqut 9-mut akissutigineqartumut innersuussisoqassaaq.

11. Aaqqissuuseqqinnermi aalisarnerq aqqutigalugu aningaasat isertinneqartussatut pilersaarutaasut ukiuni aggersuni qanoq annertutigisut naalackersuisoqarfimmiit ilimasaarutigineqarsinnaappat?

Akissut: Apeqqutaalluinnarpoq ukiuni aggersuni sinerissamut qanittumi aalisarnermi aalisarsinnaanermut periarfissat qanoq ineriartornissaat.

12. Nunaqavissut aalisartuunissaat, aqumiunissaat, aalisariutininik piginnittuunissaat, pisassanik tunngaveqarlutik pisassinneqartarnermikkullu qularna-veeqquserneqarlutik siuarsarnissaat aalajangiutivillugu naalackersuinikkut naqissusiinissaq Aalisarnermut Piniarnermut Nunalerinermullu Naalackersuisup tunngavissinniarpaa?

Akissut: Apeqqut 21-imut akissutigineqartumut innersuussisoqassaaq.

13. Aalisarsinnaanermut akuersissutinik agguaaassisarnermi Naalackersuisuni qularutiginnittoqarpa? Aalisarnermut akuersissutit nunatta kujataani aalisalerumallutik qinnuteqartuniit qinnuteqaataasut, suliffissaqartitsiniarnikkut aningaasarsiornikkut ineriartornermullu siuarsaataasussat nutaatut pilersutut akueralugit aalisartinneqarnissaat aallartissinnaaqqullugu akuersissutinik tunioraanissaq naalackersuisuniit nangaanartoqartinneqarpat? Suut tunngavigalugit?

Akissut: Naalackersuisunit Kujataani aalisarnikkut ineriartornissamut pisariqartitsineq immikkut eqqumaffigineqarpoq. Taamaattumik ukiuni arla-

qartuni tassunga ilanngullugu 2016-imi avataasiorluni saarullinnut pisassiissutini aalajangersaasarnermut atatillugu toqqarneqartarsimavoq, saarullinnut pisassiissutit ilarujussui tunniunneqartarnissaat Kujataani tulaaneqartartussanngortillugit nunap immikkoortuani suliffissaqarnermik ineriartornermillu pilersitsisinnaasoqaqqullugit.

14. Avannaani titarniliilluni aalisartitsineq aalisarfeqartitsinerlu pillugu aalisartut qanoq amerlatigisut unioqqutitsisimasutut nalunaarutigineqarsimappat?

Akissut: Aalisarnermik inatsisiliornermit unioqqutitsinerlut tunngatillugu, nunap im-mikkoortortaani sukumiinerusumik nassuiaatigineqarsimasuni aamma sumiiffinni piffissamut killiliivigineqarsimasuni immikkorluinnaq aalisarnermik ingerlatsinerlut attuuttut suliansani amerlanerpaani pineqarput. Sumiiffinni avannaani aalisarnermi malittarisassanik unioqqutitsisarnert pillugit piniarnermut aalisarnermullu nakkutilliisut arlalinnik nalunaarusiortarsimapput, kisiannili sumiiffimmit namminermit killiliisimanernit ataasiakkaanik unioqqutitsinerunngitsunik.

15. Titarniliilluni aalisarfik eqqarsaatigalugu inatsisiliornerup kingorna pitsaaitut ajoqutaasinnaasullu pisimasut tunngavigalugit aqquusaarsimasallu qanoq inneri tunngavigalugit naalakkersuisut nalilersorsinnaavaat?

Akissut: Suleqatigiissitaq KNAPK-mit, Kalaallit Nunaanni Aalisarsinnaanermut Akuersissutini Nakkutilliisoqarfimmit aamma Aalisarnermut, Piniarnermut Nunalerinermullu Naalakkersuisoqarfimmit inuttaqartoq sinerissap qanittuani qaleralinniarnaq pillugu nassuiaasorsimavoq 2014-imi malittarisassat allanngortinneqareernerisa kingorna, taamanikkut periarfissaqartoqalersoq sumiiffinni aalisarsinnaanissaq, tassani annertussutsit aalisarnerqartut pisassiissutini ilanngaatigineqartartussaangitsut. Nassuiaammi tassuuna malittarisassanit nutaanit misilittakkat arlalippassuit allatorneqarput, taakku sinerissap qanittuani qaleralinniarnermi sumiiffinnik pisassiisuteqarfiunngitsunik nalilersuinerlut tunngaviliisussat.

16. Aalisarnermut akuersissutit pappilianngorlugit tunniussat qassiuppat?

Akissut: Piffissami maannakkut 2016-imi katillugit aalisarnissamut akuersissutit 4991-it tunniunneqarsimapput, sinerissamut qanittumi aamma avataasiorluni aalisarnerlut agguataarneqarsimasut.

17. Akuersissuteqarlutik aalisartut inuit qassiuppat?

Akissut: Aalisartut qassiunersut ingerlaavartumik naatsorsorneqarsinnaanngillat, tassami aalisarsinnaanermut akuersissutit ilarpassui ingerlatseqatigiiffinnut tunniunneqartarmata, tassani piginnittuusarlutik aalisartut ar-lallit.

18. Akuersissuteqaratik immikkut akuerineqarlutik aalisartunik peqarpa?

Aap, aalisarsinnaanermut akuersissutini inatsisiliornikkut periarfissiisoqarsimatillugu immikkut ittumik akuerineqarneq tunngavigalugu tunniussisoqartarpoq.

19. Avaleraasartuunit pisassiineq nunaqavissut inerisarnissaannik periarfissii-

soq aamma nutaat siuarsarlugit qulakkeerlugillu naalakkersuisut pisassiis-sappat?

Akissut: Naalakkersuisut anguniagaraat ikerinnarsiorluni aalisarnernit taak-kununnga ilanngullugu avaleraasartuunit aalisarnermit inuiaqatigiinnut aningaasaqarniarnikkut iluanaarutit annertusisinneqarnissaat. Kalaallit Nu-naanni avaleraasartuunik aalisarneq sulii aalisarnertut nutaatut isigineqar-poq, tassa imaappoq aalisarsinnaassuseq pisariaqartinneqartoq ikerinnar-siortunik angallatitigut, pisariaqartumillu aalisarneq pillugu ilisimasaqarneq misilittagaqarnerlu ineriartortinneqartariaqartut. Kalaallit ikerinnarsiortunik aalisarsinnaassusiannik ineriartortitsinikkut angallatinik nunanit allaneersu-nik atuinissaq pisariaqarunnaariartussaaq, taamaalillunilu inuiaqatigiinnut aningaasaqarniarnikkut iluanaaruteqarnerusinnaaneq anguneqarsinnaas-salluni.

20. Aalisarnermik inatsisip suliareqqinnissaa eqqarsaatigalugu pisassiissutit nunatta avataanut pisassiissutaasarnissaat naalakkersuinikkut sulii siun-nerfigineqarpa? Qanoq annertutigisut?

Akissut: Aalisarsinnaanermut akuersissutit malittarisassat atuuttut naaper-torlugit tunniunneqartassapput. Naatsorsuutigineqassaaq, aalisarsinnaa-nermut akuersissutinik tunniussisarnermi piumasaqaatit taamaaginnaru-maartut.

21. Inuiaqatigiit pisuussutaat uumassusillit aalisarneqarnissaasa aningaasarsi-ornikkut nunatsinni kisimi aalisartuniit iluanaarutigineqartalernissaat siun-nerfigineqarpa?

Akissut: Naalakkersuisut politikkeraat, inuiaqatigiit pisuussutaat uumassu-sillit sapinngisamik annertunerpaamik inuiaqatigiit kalaallinut tamarmiusu-nut iluaqutaanerpaassasut.

Inussiarnersumik inuulluaqqusillunga

Nikolaj Jeremiassen

	2005	2006	2007	2008	2009	2010	2011	2012	2013	2014	2015	Katill.
Kystskipper		1				1				1		3
Sætteskipper		1					1			2	9	13
Skibsfører (Ny ordning)	1					1			1			3
Fiskeskipper 1. grad		1			3					3	6	13
Fiskeskipper 3. grad	2	3	4	4	4	3			1	3	2	26
Katillugit	3	6	4	4	7	5	1	-	2	9	17	